

四庫全書

史部

# 欽定四庫全書

史部

硃批諭旨卷一百八十四至

詳校官尚書臣德保

編修臣張謙勛

總校官中書臣朱鈐

校對官典簿臣郭祚熾

謄錄監生臣王藻

欽定四庫全書

硃批諭旨卷一百八十四

硃批王溯維奏摺

雍正七年閏七月初十日分查松江府錢糧臣王溯維謹

奏為謹遵

聖諭奏謝

天恩事竊臣至愚極陋歷任州縣罪過多端蒙

皇上格外施恩不加黜革屢奉

溫旨寬宥數年間擢至監司大員受

恩深重無以復加今春蒙

皇上畀以分查江南松江府錢糧重任聞

命之下不勝惶悚伏查松江一府舊欠至二百三十一萬餘兩三倍於兩浙且積弊相沿巧詐百出

臣日

夜籌畫謹擬彙欠順莊之法釐剔松江花分詭寄之弊與設櫃聽完之條列為六款於三月二十七日到蘇州時即分呈總理諸大臣在案

臣於四月

初一日受印即赴松江府視事敬宣

皇恩浩蕩於吏役人等飭令自首一月之後書役出首  
八萬有餘鄉紳出首一萬有餘曾具文報明總理  
各大臣在案臣昨年任浙江巡道時曾將孫女與  
趙向奎之孫新聯姻親今年五月間聞藩司幕客  
杜姓招搖風聲遂直言相告無如趙向奎粗疏任  
性以彼前任嘉定時曾管錢糧有效遂爾深信不  
疑此實臣匡救不力奉職無狀幸蒙

皇上天恩不即治罪復

賜諭旨於七月二十日吏部侍郎臣彭維新傳臣密付

跪讀

天語諄諄訓誡

臣

愧汗交流悚惕無地嗣後惟有洗心

滌慮秉公持正努力以蓋前愆斷不敢仍蹈故轍

因循苟且以期無負

皇上加恩擢用之至意也緣奉

諭旨事理謹繕摺回

奏叩謝

天恩謹

奏

汝等於此一舉實力勉行與否斷不能逃朕耳目一生功名身家所繫勉之慎之魯論云擇善而從何不努力效法李衛鄂爾泰田文鏡三人耶內外臣工不肯似其居心行事之故朕殊不解若不能如三人之行為而冀朕如三人之信任不可得也亟宜殫心竭力黽勉盡職

此後奏摺到京交大學士張廷玉轉達

雍正七年九月初三日分查松江府錢糧

臣

王溯維謹

奏為欽遵

聖訓叩謝

天恩事竊照清查一案

臣

具摺自陳匡救不力之罪荷

蒙

皇上格外洪恩不加罷斥

欽賜硃批訓勉

臣

跪讀之下不勝感激涕零伏思李衛



鄂爾泰田文鏡三人居心忠正辦事精詳臣何能  
仰冀其萬一茲蒙

聖訓諄切敢不勉力效法但臣之才不能及此三人者  
實天資庸劣之所致而臣之心竊欲效此三人者  
乃區區效力之微忱也緣奉到

聖訓理合叩謝

天恩並繳

御批原摺謹

奏

據奏心欲倣效李衛鄂爾泰田文鏡等三人而慮才或不及朕謂其才或可勉強企及其心未必能效法也不但小臣之中即內外大臣經朕諄諄訓諭能彷彿者尚未見有幾人何況於汝夫心者本也才者末也本既差謬末亦自必不及縱有些少作用亦不過從歷練中得來之小有才耳所以云但當務本不必逐末若祇以才目三臣不止心無所知亦且目無所見汝言誤矣今且

無庸遠效彼三臣姑取則馮景夏溫而遜胡增耀三人亦可矣

同日又

奏為兼理海關詳辭未准陳請

聖鑒事竊照江南分查一案浙江督

臣

李衛准戶部咨

轉檄到

臣

內開奉

旨松江府著派出浙江杭嘉湖道王溯維其杭嘉湖道

印務著李衛委員署理等因欽此欽遵

臣

捧讀感

泣我

皇上深知松江府屬積欠繁多分查重大

臣力量不能

兼顧是以著令另委員署理道務俾

臣得專心清

查此誠

皇上明並日月

恩同覆載者也

臣

於四月初一日領印即赴松視事敬

宣

皇恩浩蕩開導紳士書役自首數目已經

奏明在案六月初一日接前署撫臣王璣檄委海關

稅務臣原擬具詳請辭因檄開現經

題明等語是以靜侯部覆茲於閏七月二十六日署

撫臣彭維新接准部咨奉

旨依議欽遵飭臣兼理海關臣即將不能兩顧緣由於

八月初二日詳請署撫另委員管理至月底未經

批示臣再四躊躇分查重任與海關稅務均屬錢

糧干係實有萬萬不能兼顧之勢效力有心分身

無術倘不揣力量冒昧從事勢必顧此失彼臣罪  
不足惜深恐有負

皇上格外擢用之恩則臣罪滋大為此具摺陳情伏祈  
皇上睿鑒施行謹

奏

既有今日之推卸即不當有始初之營求也源不清而  
巧飾以潔其流豈可得耶

雍正八年四月十二日分查松江府錢糧臣王溯

維謹

奏為敬陳造冊之法以除積弊仰祈

睿鑒事

臣

以庸劣無似謬任分查重責一載以來夙夜

惶悚周行八邑詳加訪察乃知巧詐百出種種不  
一究其作弊之由皆因州縣造冊漫無章程是以  
姦胥猾吏得以任意增減肆志侵蝕其害誠有不  
可勝言者按今時之積弊倣古人之成法惟有立  
一定不易之制度使州縣遵守奉行則積弊可除

民生以安

國計自裕矣一造冊宜照管收除在一易知單宜散  
給花戶一宕票宜隨時改正一縣令宜久任責效  
以上四款臣謹按松江積弊酌量補救是否有當  
伏乞

皇上睿鑒施行謹

奏

前二條應與總理清查大臣言者何必奏朕其餘似此



奏陳者甚多不止汝一人已也

同日又

奏為欽遵

聖諭叩謝

天恩事竊

臣

前奏叩謝

聖諭一摺奉到

硃批

臣

跪讀之下愧汗交流

臣

原不當以才目李衛鄂

爾泰田文鏡三大臣卑鄙小見誠如

聖訓所云臣今惟勉力效法馮景夏溫而遜胡增耀三  
人猶恐秉質愚昧不能企及至清查一案臣前已  
將官侵役蝕首數奏報在案續又搜獲各承私簿  
查出獎侵清書數書區差里保里耆甲首歇家遞  
冊錢莊銀匠以及生監并各衙門書役人等屢出  
示曉諭諄諄開導茲又首侵銀三十萬兩雖水落  
石出必俟協查官逐戶挨查方有著落而役蝕之  
數現在陸續出首諒必加多合先具報謹

奏

覽

同日又

奏為欽遵

聖訓恭謝

天恩事竊

臣

奏為兼理海關詳辭未准陳請

聖鑒一摺荷蒙

硃批既有今日之推卸即不當有始初之營求也源不

清而巧飾以潔其流豈可得邪欽此

臣跪讀之下心

切冰兢果否營求自然難逃

聖鑒無任惶悚謹

奏

朕鑒猶屬末節唯能勉對

天鑒無慚則是矣

雍正九年三月十八日分查松江府錢糧

臣王溯

維謹

奏為奏明事竊臣奉

命分查松屬錢糧受事以來夙夜兢惕詳加籌畫先照  
總理衙門所定彙查彙欠冊式督飭印協官詳查  
糧戶各年應完糧額分晰完欠將花分子戶俱歸  
的姓實名冊竣之日即令協員輕舸減從按冊逐  
戶挨查核其戶名住址之實在察其是侵是欠之  
切據臣一面周行八縣一衛敬宣

皇上為民除害至意咸使周知其從前舞弊侵蝕錢糧

之經承櫃書以及甲首歇家與各衙門書役衿監  
土棍人等勤為開導以安其心詳為搜查以破其  
弊擇其尤黠者嚴加懲創以儆其餘百姓胥吏皆  
深感

皇恩高厚凜知

國法森嚴據吏役人等將侵蝕諸弊先後陸續出首  
計松屬應查積欠銀二百二十四萬餘兩自雍正  
七年四月至本年二月遞據各屬報明挨查已竣

并報到自首及查出官侵銀二萬八千九百餘兩  
吏蝕銀一百二十萬五千二百餘兩又敬籌查追  
案內奉文將雍正五六兩年錢糧一體清查並據  
各屬報自首吏蝕銀一萬二千七百餘兩俱經分  
晰報明總理大臣在案至於其中間有年遠人湮  
冊籍殘缺印串遺失又恐書役等將小民欠少開  
多各役蝕多首少臣又飭令協員乘此造冊結數  
之時再加詳細核察一面將糧戶被侵實欠各年

數目詳註執照逐戶發給以杜姦胥欺朦之弊此  
臣兢兢辦理之愚誠也  
臣深愧智識短淺未敢自  
信為徹底釐剔恐不足以仰報

皇上天恩於萬一茲屆限滿理合先將各屬查竣情由  
及侵蝕數目具摺

奏明伏祈

皇上聖鑒謹

奏



自信不及之事奏朕何益似此預留地步希免日後譴責實難信汝兢兢辦理之愚誠也

硃批諭旨卷一百八十四

欽定四庫全書

硃批諭旨卷一百八十五

硃批趙向奎奏摺

江南蘇州布政使

臣

趙向奎謹

奏為恭謝

天恩事竊

臣

山右鄙儒初任溧水知縣調繁嘉定部議

因公革職蒙

恩從寬留任旋蒙引

見又荷

天恩復還原職

特陞廬州府知府繼又疊沐

聖恩陞授巡糧二道今復奉

旨超擢蘇州布政使三載之間末職下僚洊膺方岳重  
任

皇上之寵眷愈渥小臣之報稱愈難銜感愈切除經詳

院代題謝

恩外今於三月十五日浙江織造臣許夢閔至臣衙門

恭傳

聖旨賜給

臣

漆匣四箇鎖袱俱全許

臣

得用摺子著令

送交怡親王呈

進欽此

臣

恭設香案望

闕叩頭祇領訖伏念

臣

何人斯至蒙

皇上恩許摺奏俾葵藿微忱得以上達

天聽

臣

惟有勉竭駑駘益加謹恪以圖仰報

洪恩於萬一而已為此謹

奏

試捫心自問並仰觀於

天若不做一出色人物以全朕顏面於汝安乎否耶勉之  
勉之之道無他技術惟將公私二字辨別清楚而已但  
秉彛天良與任性粗猛似是而非切不可因於心無愧  
遂欲徑情率意鹵莽而行必當臨事精詳慎密方無  
舛謬凡百過猶不及以適中為要勉為之

江南蘇州布政使臣趙尙奎謹

奏為恭繳

硃批事雍正六年五月初五日臣家人齎捧

皇上硃批臣摺到署跪讀

上諭訓勉周詳言言鍼砭臣雖至愚敢不時加警惕仰  
遵

聖恩提命所有原奉

硃批奏摺一扣理合恭繳謹

奏

訓勉雖詳能遵行與否須看爾之造化何如朕亦難強之使然也

江南蘇州布政使

臣

趙向奎謹

奏為據實奏

聞事

臣

於本年二月二十五日到任核查前司張坦麟

交代冊內收存正項銀兩俱無虧缺應解刑工等部飯食等銀亦無短少此外止有另貯在庫銀二



萬一千三百四兩零據稱此項係伊任內贏餘已  
經

奏明歸公不可輕動其餘應解戶部飯食及添平等  
銀三萬七千三十九兩零並無存庫臣當即移咨

查詢據張坦麟覆稱此項飯食解費應於雍正六  
年分所收耗羨銀內動支起解臣據咨具詳奉撫

臣陳時夏批示部餉飯食原係各屬每年隨徵解  
司交收自應按年按款將屬解之銀支用至於耗

羨解司

奏明六年為始以供六年公用並非以充從前年分

飯食解費今何得藉詞牽抵等語

臣

復又錄批移

咨催解而坦麟仍行固執前項銀兩終無著落但

存庫銀兩現准部咨提解京餉八十六萬餘兩勒

限八十日到都目今限期已迫因解費未據移交

致稽起解且交代限期已滿

臣

不敢自蹈徇隱之

咎除詳明督撫臣聽候具

題外事關司庫錢糧重務理合繕摺奏

聞伏乞

皇上睿鑒批示施行謹

奏

於此一事觀爾不能秉公執正惟知阿順撫臣深負朕  
擢用之恩已有旨矣似此借題陷人徒害自身而已何  
並之有審觀目今已往朕用人行政之道歷歷可鑑除  
還朕一公字是字餘無他策也

江南蘇州布政使

臣

趙向奎謹

奏為恭謝

天恩事竊

臣蒙

聖主特恩擢陞江蘇布政使又蒙

俯准部議許

臣

交代清楚給假數月回籍營葬自問何

人乃荷

皇上錫類宏慈下逮微賤

臣

雖捐糜項踵何由仰報萬

一茲因前司張坦麟交代案內尚有解部飯食等

銀未楚臣先經摺

奏現在候

旨一俟

皇上批示到日即將此案料理清楚束裝回籍所有微

臣感激

天恩下情理合先行繕摺

奏謝更有請者江蘇為錢糧重地藩司任大責重一

切事宜有奏摺未能盡悉必面

奏始得詳明者可否容

臣

於給假離任後趨赴

闕廷一一面奏跪聆

指示則地方緊要事宜俱有遵守矣如蒙

俞允

臣

即兼程進京後再行回籍合併聲明謹

奏

應先回籍料理完畢然後赴京面請訓旨

江蘇布政使

臣

趙向奎謹

奏為恭繳

硃批叩謝

天恩事六月十七日

臣

家人齋摺回署欽奉

硃批

臣

跪讀之下感激慙悚伏念

臣

一介庸愚蒙

皇上洪恩超擢藩司受事之後即將前司張坦麟交盤

冊內逐一清查俱無虧缺惟因存解戶部銀兩例

有飯食等銀咨詢前司隨准移覆擬於六年耗羨

內動支

臣

即據詳兩院奉前撫

臣

陳時夏批駁按

年按款不准牽抵斯時

臣

因耗羨歸公事屬初行

無例可稽惟拘不敢擅動之見以致不能顯然別白是非秉公抗拒皆臣識見淺陋之處咎實難辭

蒙

皇上天地包容不即加罪

殊批訓飭諄切開導

臣

雖下愚敢不悔悟竭忠報效

臣

已於署撫

臣

張坦麟任內詳明動支飯食等銀於

七月十五日隨正解部訖一切交代俱已清楚具

結所奉



硃批理應恭繳謹

奏

既自知過咎當以為終身戒倘再有類此不公形迹則難容輕恕矣

江南蘇州布政使

臣

趙向奎謹

奏為耗羨一案酌議畧有定規先繕清單恭呈

睿鑒事

臣

蒙

皇上天恩畀以蘇藩重任又蒙

恩准給假回籍莫親惟有銜結

高厚免圖報稱應將任內一二緊要案件先行辦理方

敢就道如清戶清糧一案已經確議通詳由督

臣

范時繹具

題外其耗羨一案因撫

臣陳時夏未經竣局署撫

臣

張坦麟與

臣

細加詳議逐一酌派畧有定規惟公

用之內尚有幾款現經署撫

臣

咨詢行查未經覆

到今署撫

臣

張坦麟奉

命赴任江西行令再加核議臣不敢草率擅專應俟署

撫臣尹繼善到任商酌妥辦完結另行奏

聞

臣

現在遵

旨給假於九月初七日卸事十五日起行回籍合將先行定議款項繕具清單恭呈

睿鑒伏乞

皇上俯賜指示欽遵為此謹

奏

尹繼善到任後自必料理清楚奏聞於朕也

硃批諭旨卷一百八十五

欽定四庫全書

硃批諭旨卷一百八十六

硃批潘體豐奏摺

福建布政使

臣

潘體豐謹

奏為恭謝

天恩並陳管見事雍正八年三月初四日福州將軍

臣

阿爾賽自京回閩傳宣

上諭汝到任時下旨與潘體豐此後命伊奏摺其奏來

之摺交大學士張廷玉代為轉達欽此

臣跪聆欽遵

隨望

闕叩謝

恩訖竊念

臣一介庸愚至微極陋蒙

皇上天恩以候補主事同知於雍正五年六月內

命往福建以知府補用二年之內仰荷

聖恩不次超擢由知府臬司洊歷今職

臣

何人斯竟上

邀

聖主隆恩優渥至此感激涕零之下惟覺

恩重身輕即捐糜頂踵實難仰報於萬一今蒙

特命奏摺此千載一時之隆遇敢不殫竭愚誠敬獻芻

蕘伏查閩省風土民情內地八府一州地土之腴

瘠各別習俗之淳澆不同如延建邵汀四府小民

多以耕種為業習尚良樸但山多田少民鮮蓋藏

蓄貯愛養事事須當悉心籌畫而禮教為首重福

興泉漳四府福寧一州依山傍海魚鹽種植之利

均可資生但俗尚爭競人多虞詐欺凌刁悍之風  
未能悉泯而化導為尤切則夫端本澄源因地制  
宜之道全在親民之州縣官不尚浮文不沽虛名  
不辭勞瘁煩瑣事事與民相為休戚始能隨時隨  
地殫心竭慮力行鼓舞勸勉以收教養之實效但  
通省州縣繁多委難盡得夫良吏而督撫藩臬總  
理大綱得之訪察不如事事親見之為確切詳之  
文檄不如時時倡督之為實在其與州縣最親民



情最切之員莫如承上接下之知府苟知府各得其人斯可就近共相規勸浮囂者務勉於誠實遲鈍者務振其萎靡而人材均可造就利弊無不興除庶幾吏勸民安仰副我

皇上宵旰勤求之至意茲閩省現在知府俱蒙

聖恩揀授雖各知自愛居官謹飭但於地方利弊未免視為積習難移弗肯力圖倡率督撫及臣不時申飭勸導僅見彼善於此究難強致其公忠篤實勵已

率屬之誠心且每年上下兩運差委辦銅動輒經  
年再遇陞遷緣事一時兼署之員更難期其實盡  
察吏安民之道此感通移易之所以甚難也臣不  
揣冒昧謹將閩省官民現在情形據實陳

奏仰祈

皇上天恩俯念邊海巖疆事事較他省為難治懇於  
聖鑒之中賢能知府

命往二三員來閩以備委署補用俾臣得與協力同心

力行教養庶可使屬吏羣知觀感奮興而地方亦

可漸次風移俗易矣

臣 欽遵

諭旨謹將關切吏治民生之事恭繕四摺具

奏是否可採伏乞

皇上睿鑒施行謹

奏

所奏知道了但詞語太覺繁絮朕何暇細閱

同日又

奏為薦舉之員宜註明事蹟確據以鼓人心以勵實  
政事竊思設官分職有一官即有一官之責而實  
至名隨行一事必有一事之徵世無能盡其心而  
事未協者亦無事既協而無實效者臣愚以為端  
本澄源莫要於事事察其確據務使毫無假借似  
為鼓勵實政之一道請嗣後外官不論特薦保舉  
及

題陞調缺除首先分別其操守才具外如司道知府

直隸州皆有察吏率屬之責督撫必細察其居官  
辦事如何勤慎甄別屬吏如何公明某事某員可  
為據証如州縣為親民之官必細察其錢穀刑名  
如何措施得宜境內民生如何安輯得所地方如  
何日有起色某某事可為確據果能於教養之事  
實心實力辦理者將事蹟指出於疏內聲明恭請  
聖明睿鑒其有薦舉保

題之後或陞本省或遷調他省誠能照舊事事實盡

心力著有實政再列薦舉者聲請加一等議叙倘  
有陞調之後即不至頓改前操或恃才驕矜或悠  
忽怠玩並其原薦之事蹟亦皆更易致被叅劾者  
亦聲請加一等議處如此分別查察先後較量庶  
已邀薦擢者必益矢奮勵即未邀薦擢者亦爭思  
勉圖似於吏治實有裨益矣謹

奏

言之似易行之甚難況激揚自有大典此議可以不必

同日又

奏為糧戶之的名宜清保甲之編查宜嚴請專員辦理以收實效事竊照糧戶保甲皆地方最要之務惟在查察周密則包寄脫漏之弊自除各州縣既以簿書紛繁難於分身又以苟且因循者多實力整理者少所以屢經立法申飭仍不免草率塞責若非專員清釐編查究屬有名無實臣愚以為每縣似宜專委試用官一員再委該縣佐雜官一員

協同挨戶查察一面清釐糧戶的名即一面編查保甲則一舉可以兩得第查歷次奉

命來閩人員除委署試用并叅革事故外現無閒員茲  
欽奉

上諭以進士章有大等十五員來閩學習伊等新進之士大抵謹飭者多似可分委稽查兼可就便涉歷風土民情但閩省內地一州五十七縣止此十五員輪辦不免太遲仰懇



聖恩敕部於候補侯選知縣人員內再揀選十二員來  
閩以便酌量縣分大小分委查辦請俟各員到縣  
之日為始大縣限一年中小各限八箇月俾令從  
容細查先於沿海緊要處辦起竣日再各委辦  
一縣總計二年內可以週遍俟各委員清查事竣  
即以其所辦之事核其優絀好者請以知縣

題補平常者酌量人缺委署試用應學習者仍令學  
習如有滋事擾民及辦理怠玩者不時查參佐雜

官果實心協辦擇其最優者另請議叙平常者分別功過做勉庶事有專責人知鼓勵而糧戶保甲可使澄清以收實效矣謹

奏

種種不通處難以枚舉

同日又

奏為竊盜之查緝宜嚴請分別勸懲以安民生事竊惟安民莫先於弭盜乃閩省州縣惟於竊盜情重

贓數多者始具通詳其贓數無幾如掏摸鼠竊盜  
粟偷牛之類率多悠忽漠視匿不申報亦不嚴行  
緝拏是以上司無從稽查宵小未能悉除臣請嗣  
後除竊盜贓多情實而諱匿不報者俱照例參處  
外凡地方中但有竊盜發覺事主呈報到官該州  
縣務將失竊情形贓賊實數勘詢明確就近即報  
本管道府依限緝獲追贓刺字完結銷案總不許  
以其失物細微藉口諱匿該道府按季彙冊註明

已未獲賊完結緣由移報臬司稽核轉報督撫查考如州縣於賊數無幾之竊盜諱匿一案者查出記過一次諱匿二案者查出記過二次仍勒限緝拏務獲銷案如至三案不報而賊又未獲者即備叙情由照溺職例參處知府直隸州照失察例議處以示懲儆果能查緝嚴密一年之內並無鼠竊等案或偶有一二案即能旋報旋獲照例完結者記功一次如至二年並無諱匿實無鼠竊等案者

記功二次若至三年能使地方寧謐委無竊案者  
道府查實由臬司申報督撫核明即將本員平日  
居官辦事如何之處開明事實出具考語保

題以示鼓勵如此庶各官知所儆勉而查緝防範之  
克勤自可使宵小斂跡民生安樂矣謹

奏

為竊盜一事條奏者頗多率皆似此不通謬論

同日又

奏為請嚴保長之選舉立法勸懲以正地方事竊惟  
十家為甲十甲為保各州縣鄉村於保甲中設有  
保長一役所以稽查匪盜和睦鄉里以期保正一  
方役雖微賤有關於地方甚重閩省習俗刁頑從  
前所設保長非姦棍謀充即豪強占當每多恣意  
武斷顛倒公評因之訟端易起風俗澆漓若不嚴  
行選舉立法勸懲積弊難清臣請

敕下督撫嚴飭各州縣確查凡有從前謀充占當及有

犯案者槩行請革務選老成正直農民取具約正  
族隣公結該州縣驗明給照委充仍將所屬鄉村  
實須保長及選舉名數造報司道備案遇事故革  
除項補等事並報查核每於月朔著傳集耆民同  
約正值月齊至講約處所聽講

聖諭

廣訓責令協力共相勸勉遇有批查之事務於五日內  
秉公查明據實稟覆倘藉端滋事或徇延不實一

經查出加凡人一等書明事由於地方枷示儆衆  
如能竭力奉公三年毫無過犯者州縣官量行獎  
賞若五年全無過犯並能和息爭端者申詳道府  
給匾鼓勵如至十年無過且善於勸導稽查能使  
保甲中鼠竊姦匪屏絕地無曠土民無游惰者州  
縣查明取結開具事實由府核確申報督撫查實  
比照老農之例

題請給與八品頂帶榮身若州縣不查實率報察出



照濫舉匪人例參處如此庶源清流潔保長之選  
可得正直之人將見地方中勸導觀感而澆漓之  
習自日歸淳正矣謹

奏

應稟請該督撫商行

福建布政使臣潘體豐謹

奏為奏

聞事竊照閩省仰賴

皇上至德覃敷連年收成豐稔山海寧謐今歲自入春以來通省雨水調勻茲於五月內據各屬陸續開報二麥收成分數臣細核總計約有八分收成值此春夏之交小民得以接濟洵為有益再查通省栽插得時禾苗俱好至於各屬米價甚平現在臺灣府屬據報民間食米價銀每石陸錢至柒錢陸柒分不等興化府屬每石柒錢捌錢不等漳州邵武汀州三府每石柒捌錢至一兩不等泉州延平

建寧三府並福寧州每石八九錢至一兩一錢不  
等惟福州府地處省城兵民雲集食指浩繁米價  
向比外府稍貴自上年冬至今春三月內每石價  
銀祇在一兩上下迨夏初稍覺微長而四月二十  
七八等日每石米忽長價二錢有零臣察訪其故  
蓋緣省會食米全賴上游一帶商船運糴適今春  
隣近江浙地方米價騰貴小民圖利率多聞風販  
賣又以四月內連次大雨溪河水漲小舟莫敢載

運偶值米船稀少致價稍昂

臣

當即詳明督撫二

臣將福州府及閩侯二縣所貯平糶江浙米穀乘  
時開糶米價旋即平定指日早稻登場自更可平  
減再有連江羅源福安寧德等縣地處山海交錯  
當此青黃不接之時民間食米亦覺缺短臣酌量  
數目詳明督撫飭行地方官將存貯積穀減價平  
糶併據各縣出具秋收買補印結存案則民食得  
濟而將來倉項亦可不致虛懸所有閩省現在米

價並二麥收成及早稻雨水情形理合恭摺奏

聞謹

奏

據奏二麥已收米價平減雨澤及時禾苗豐茂以手加額覽焉

同日又

奏為報捐積穀事竊照積貯倉為地方預備之良法今查閩省積穀民捐自康熙二十一年起官捐自

康熙三十一年起迄今通省官民捐貯積穀除各  
案虧空參追外現存官捐穀一十二萬五千五百  
八十石零民捐穀一十六萬四千三百石零俱實  
貯在倉但此項乃積貯於平時取用於歉歲惟在  
實力勸導不事勉強俾官民知所樂從始為愈久  
愈善之計案查從前每年官民捐積尚至二三千  
石及四五千石不等近年以來未免視為不急之  
務每歲捐數無幾

臣仰體

皇上軫念民生重農務本至意夙夜兢兢刻思為民預  
備因於上年秋成後先捐穀四百石分貯府縣各  
倉隨會同在省司道詳明督撫通行各屬量力捐  
貯并勸勉紳士富家務期各自樽節有餘以備不  
足當奉督撫二臣各捐穀二百石臬司及道府廳  
縣亦陸續報捐其間風向義捐數最多者如仙遊  
縣侯選州同徐華生員徐升兄弟二人共捐穀三  
千石兼願自建社倉存貯又侯選縣丞李長華願

捐穀五百石附入倉內當據興化府詳報臣俱轉  
報督撫批行獎勵以為

聖世好義急公者勸查現在通省官民捐積穀石並願  
入社倉穀石約計已有一萬二千石有奇臣仍不  
時勸導若至本年二稻收成之後自必捐積倍多  
從此源源增積則倉儲日見充盈海疆愈為有備  
矣理合恭摺奏

聞伏乞



皇上睿鑒謹

奏

捐積倉穀以備緩急原屬極美之事但不可涉於強迫

同日又

奏為奏明分貯各屬帑銀數目仰祈

聖鑒事竊閩省山海巖疆儲備為重茲蒙

聖恩念及辦理軍需及事務繁劇之州縣均倣照大宛

二縣之例酌留帑銀以備急切公事之用仰見我

皇上聖明遠照為臣民籌畫萬全者至周且渥雍正八年十二月初九日臣奉督撫牌行准戶部咨協撥浙江省銀二十萬兩解閩交督撫布政酌量分貯等因捧讀之下不勝踴躍歡忭遵即詳察各府州地方情形分別沿海衝僻以酌銀數多寡擬福州府分貯銀三萬兩興化府分貯銀一萬兩泉州漳州二府各分貯銀三萬兩延平建寧二府各分貯銀二萬兩邵武府分貯銀一萬兩汀州臺灣二府

各分貯銀二萬兩直隸福寧州分貯銀一萬兩伏  
思帑銀分貯府州庫以備公用乃千古難逢之

曠典凡存貯動用之處均宜嚴加查察以防弊竇除照  
依部文通行各府州縣遇有實在急切差使刻不  
可緩之事一面備文赴該府州具領該府州即行  
核明給發通報查考如有虛冒情由即揭報參究  
至各府州存貯銀兩援照察盤倉穀之例每歲底  
責令各該管道員於盤倉之時乘便盤驗出結由

藩司核轉督撫咨部查核如敢扶同徇隱察出將該管道員一併參賠以杜府州日後虧空之端此

臣謹小慎微之見經詳明督撫批示將浙省解到銀兩照數給發各府州分貯訖所有微臣遵

旨辦理緣由理合繕摺奏

聞謹

奏

詳加斟酌辦理毋得粗率從事

福建布政使臣潘體豐謹

奏為恭謝

天恩事雍正九年十月十二日新任福建按察使劉藩

長抵閩傳

旨雍正九年七月二十五日奉

上諭

係朕物色之但涉於辦事

潘體豐人草率亦爾莽因

主見尚

他在那裏搖搖不定朕

也

亦未之確許命他堅定志意向以精詳和平自勉

拏不住他欽此

臣

跪聆之下感深涕零悚惶無地

前諭原係如此當即叩頭謝

何意劉藩長更改混傳可將此諭向藩

欽定四庫全書

硃批諭旨

卷一百八十六

十七

恩訖伏念

臣

一介庸愚至微極陋屢蒙

不

五

日

飭也為因藩長赴任之便偶將朕所恩及處訓誠俾知

皇上特恩超拔至藩司之職夙夜警惕寢食之間亦不

勉勵之意汝其有則改之無則加勉切莫妄生疑懼乃

敢稍有懈怠忽但臣駑駘下乘而又遠處邊未弗克

朕望汝

親承

除瑕疵成就大器耳當知之

聖主訓示雖犬馬圖報之心時時策勵毫不敢瞻顧因

循而才識短淺自不覺愆尤叢集實臣寤寐難安

之隱衷今跪聆

皇上教訓容

臣

愚昧勉

臣

疏庸

臣

自顧何人仰蒙

聖主造就矜全至於斯極惟有恪遵

上諭益加黽勉殫

臣

耳目心思之力務期公忠自矢誠

一不移隨時隨事詳慎斟酌以仰報我

皇上高厚隆恩於萬一耳所有微

臣

感戴下情理合恭

摺

奏謝伏乞

睿鑒謹

奏

欽定四庫全書

陳批諭旨

卷一百八十六

十八

諭既錯傳此奏朕不全覽也

同日又

奏為酌議分買穀石以裕倉儲事竊照閩省於雍正四年偶因秋旱歉收蒙我

皇上特頒恩旨撥江西倉穀碾米十五萬石運閩平糶適江西是歲秋亦被水除已運五萬石外餘改撥江安二省將截漕米先撥十萬石運閩仍令江西運還江安俱經運收明白正在清理還項間奉准



部文據江西撫

臣

謝旻以江省倉穀充裕毋庸買

補請將米價留閩買穀貯倉腳價併留閩充餉蒙

皇上恩允奉督撫行

臣

酌量辦理

臣

遵查前項米石早

經盤收內有當年已經隨時平糶者亦有隨後價

平未買及價存縣庫尚未解司者更有各屬虧缺

霉蒸參追未完者

臣

俱逐一剔清歸款現存司庫

米價銀一十一萬九千二百十九兩零內除應還

江省腳費銀二萬七百四十九兩留閩充餉外實

存銀九萬八千四百七十兩零查閩省穀價多少  
不等今照限在時價酌中每石以四錢五分勻算  
約可買穀二十一萬石有奇邊海地方多為積貯  
誠屬有益但若將前項穀石並買於一時竊恐市  
價高騰有妨民食臣因悉心籌酌揆度地方情形  
及各屬存穀多寡並查其本處是否產穀照依大  
中小縣分別採買數目其買穀亦不拘定期總  
視年成豐歉為準如遇豐收即令乘時買貯倘收

成稍薄即存價以待再閩省地氣卑濕倉穀易於霉朽定例存七糶三出陳易新而各屬於青黃不接之時惟慮山海地方糶出易而買補難往往一任檄催率多以毋庸平糶為辭輾轉遷延以致積穀莫能流通更易此不惟有關於倉儲抑且無益於民食臣復細加酌議將前項買添之穀收貯後於次年青黃不接之時即令將陳穀照買添之數平糶其價銀就近解貯府庫秋收復令領回買補

至次年又將陳穀照買數出糶似此新穀先入舊穀後出各屬無所畏難自必踴躍樂從而年年輪換不數年間從前陳穀盡可易新民食亦得常常有濟矣

臣

因倉儲民食起見業將情由詳請督撫

二臣所有現在奉行辦理緣由理合恭摺奏

聞謹

奏

既經詳明該督撫候奏到有旨

同日又

奏為奏

聞事竊查閩省欺隱田地蒙我

皇上恩綸疊沛許民自首宥其欺隱之罪免追從前之  
賦復寬以限期令其陸續首報

天恩浩蕩至優至渥

臣

欽遵勸勉查自雍正七年以後

內地自首及開墾田地共四百四十四頃七十九  
畝零共該糧銀三千二百二十二兩零米六十五

石零臺灣首報及開墾田園共一萬八千七十五  
甲零每甲計田一十一畝共計田園二千六十餘  
頃共應正供粟五萬八千九百六十餘石稅銀一  
千一十餘兩以上俱援奉

旨自首免罪例併免追從前欺隱之賦即遵照於雍正  
七年入額起科徵解又內地陸續報墾田地共三  
十四頃二十六畝零共應糧銀二百三十二兩零  
米二十石零俱照例分別水旱限年陞科

臣查核

明確先後造冊詳報撫臣具

題在案但

臣

細加察訪閩省地方遼濶其山陬海濱

窮簷蔀屋之民以有司之查察難週已墾未報者  
正復不少祇以巖疆重地未敢過為督責滋擾惟  
有恪遵歷頒

恩旨董率屬員多方儆勉開導令其自相首報如果係  
冥頑不化查實照例究治懲一警百如果有坍荒  
難墾之處亦令據實造報免累貧民至於歷年久

遠祖父流傳之業內有隱匿漏課者亦必準情酌理詳察其隱匿情由是否有心細為分別查辦固不敢輕為縱容亦不敢絲毫率忽總期於執法之中寓體恤之意以仰副我

皇上軫念海疆愛養元元至意所有閩省連年首墾田

糧數目並

臣

現在辦理緣由理合繕摺具

奏伏乞

睿鑒謹



奏

覽奏閩省首墾田糧數目情形諸凡辦理及所立主見均屬協當

福建布政使

臣

潘體豐謹

奏為奏

聞事本年正月十四日夜三更時分

臣

署內堂側小房

內家人一時昏睡燈火延及紙窓接連頂棚燒上

板房

臣

聞聲立起奔救並即搶護內堂供奉

敕書

上諭等書詎火焰甚熾已不能近前

臣

見火勢猛烈徒

手難援而錢糧重地外人未便輕入當即親齎印  
信趨赴庫堂保護庫藏一面遣役飛報督撫撥兵  
救援乃夜靜人稀各衙門重重封鎖救火兵丁一  
時未及趕至迨督撫二臣到時其內堂及接連之  
房屋已皆焚燒無存

臣

督令兵役極力救護止於  
東西兩處拆截火路猶幸庫藏保護文卷無失附

近居民亦無損傷此皆仰賴我

皇上洪恩庇祐之所及也惟是臣既不能預防於事前

又未及救息於臨時疏忽之咎實切悚惕伏祈

聖慈俯賜訓誡庶臣知所遵守將來益加黽勉省疚以

贖前愆至於燒燬房屋共計大小八十三間臣奉

撫臣趙國麟批查燒燬署房修補之例隨查閩省

從前督臣滿保撫臣卞永譽按察使臣郎廷極衙

署焚燒其建造俱出自地方公捐茲值上下肅清

之時

臣

斷不敢復循舊例况

臣

蒙我

皇上厚賞養廉闔家均沾

聖恩惟有搏節用度以圖完補現在商請督撫二臣興

工辦理除循例詳請撫臣具

題外所有

臣

署失火情形並現在辦理緣由

臣

謹繕

摺恭

奏伏乞

皇上睿鑒

臣

不勝戰慄悚惶之至謹

奏

當警惕自省極加戒慎可也

硃批諭旨卷一百八十六

欽定四庫全書

御批諭旨卷一百八十七

御批李玉鉉奏摺

雍正八年五月初二日福建按察使臣李玉鉉謹  
奏本年三月初四日福建將軍臣阿爾賽傳臣至署  
宣

旨福建按察使李玉鉉進摺交大學士蔣廷錫轉奏欽  
此隨望

闕叩頭謝

恩訖伏思臣一介庸愚知識短淺荷蒙

聖恩畀以閩省刑名重任日夕敬凜惟矢竭寸誠勤於

職守以期仰報

主恩於萬一茲就臣管見所及三條謹為我

皇上陳之

一閩省械鬪訟端大半起於阻葬占墳人即糧明  
契據買地葬親而地旁數里之頑民劣衿或指其



朕治地為已產或指其內有祖骸不飽其欲即爭競毆

掌刑打甚至械鬪而買地之人終不能葬親是治閩中

瑞度阻葬占墳之罪當嚴於他省者現經督撫暨臣衙

口互門示諭禁止嚴行懲治但積習難於驟返因時立

加倍法貴於相宜伏乞

皇上敕部行文督撫閩省有犯此者於常例外加倍治

一條則例之理汝是何意見耶罪將見法律森嚴人心畏懼風俗漸歸醇厚矣

一定例內凡侵盜那移等賊一年內全完將死罪

人犯比免死減等例再減一等發落軍流徒罪等  
犯免罪等語查六賊內惟枉法贓最重若限內完  
贓即槩行減等寬免似覺情罪較有重輕邀

恩無分彼此可否請嗣後於六賊內如有貪官污吏土  
豪惡棍衙役人等犯枉法者將贓銀限內全完其  
罪應死者止免其死罪仍議擬充軍犯軍流徒罪  
者不准全免其罪止減一等發落俾前之貪吏皆  
不免於法則凡稍有貪念萌於肺腑者皆凜然知

定例

循行已久何必紛更

所恐懼矣

一查律載竊盜搶奪二項人犯除贓多及拒捕傷人從重議擬外其現行律例分別治罪之條允當明晰惟刺字少有互異搶奪不分初犯再犯俱刺臂竊盜不分初犯再犯俱刺面夫立法刺字原有深意初則望本犯尚能改革繼則使衆人知所防禦搶奪再犯刺臂罪由藏於衣內人不盡知似難防禦竊盜初犯刺面罪由彰於耳目人所共棄似

此亦不過懲戒之一端耳非有枉濫輕重之失不煩議  
難改革請將刺字之處二犯同科初犯均刺於臂  
改

再犯均刺於面庶法令畫一不失寬嚴相濟之道  
矣以上三條臣庸材謬議是否有當伏乞

睿鑒施行謹

奏

覽

雍正八年七月二十一日福建按察使臣李玉鋆

謹

奏竊查福建各府州縣積貯倉穀通計共一百三十餘萬石每年各縣倉穀知府直隸州盤查府州倉穀各該道盤查而總滙於藩司是藩司察核之責為尤重但藩司職掌全省賦役凡完欠考成度支銷筭及一切經制典禮關係

國計民生之大者悉專責該司在該司雖極知倉穀重大加意稽察而精力終難專一臣向任雲南楚雄府知府見雲南通省倉穀歸糧道管理稽查易

得周詳今閩省各府州縣倉穀可否仰請

聖裁照雲南之例改歸糧儲道管理凡一應盤查交代冊報考成悉令糧儲道專司其事則該道可以不時親詣各屬抽盤必無疎忽似於通省倉穀有益至每年

奏銷冊籍仍照兵糧之例造送藩司彙轉再有請者糧道既兼管通省倉穀事務甚重凡有辦銅等差似應均免派遣以專責成臣因積貯要務不揣冒

昧謹獻一得之愚是否可行伏乞

皇上睿鑒施行謹

奏

此事應言之督撫會商酌定具題請旨將所奏并朕批  
諭與督撫二臣看

同日又

奏竊臺灣一郡遠隔重洋蒙

皇上軫念該郡道府廳縣等官前此陞期六年加以交

盤渡海為時太久其父母妻子難免內顧之慮特  
加

恩格外定期二年為滿調回內地補用仍分別加級以  
示鼓勵又先期半年令揀選賢員前往協理俾海  
疆既得熟練之員而各官又免內顧之慮業經部  
議遵行在案臣何人斯復叅管見但臣愚以為凡  
賢員久任地方實為地方之益臺灣員缺就臺地  
之員拔其尤者陞補臺缺似於臺地更覺有益查



臺灣一道一府二同知一通判四知縣原屬選調  
才守兼優之員可否仰懇

聖恩嗣後臺灣道府廳縣缺出先儘在臺賢員題陞以  
收駕輕就熟之妙其各陞員內如係越銜保題者  
照例送部引

見恭候

簡用若係應陞員缺可否仰懇

皇仁俯念重洋遠涉免其引

見出自

聖恩如此就臺擢補在該員蒙陞用之榮倍加鼓舞感激

皇恩惟恐報稱之不逮有何內顧之堪憂倘該員當陞轉之期無陞轉之缺而有矢心報效國爾忘家者許該員詳請督撫具題留任陞用內有期滿之員無缺可陞交盤已清自揣精力願回內地者許其乘南風而回聽候內地補用是則

皇上之恩及臺員淪肌浹髓而臺員應倍加感奮竭誠  
圖報矣再調臺之員有親老丁單者先行查明免  
其調補是否有當伏乞

皇上睿鑒施行謹

奏

成例循行已久人情趨舍不同何必限定以臺員陞臺  
郡而復為是更張之議耶

硃批諭旨卷一百八十七

欽定四庫全書

硃批諭旨卷一百八十八

硃批孫文成奏摺

雍正元年十一月初一日杭州織造臣孫文成謹  
奏為遵

旨覆奏事前奉

聖旨著令臣估看磬山情形已經具摺奏

聞臣隨喚各匠人等商酌務將百年舊剝重壯觀瞻其

山門原係平屋五間今另造為天王殿五間大殿  
原係三間今改造為正殿五間殿前東西兩側原  
係樓房六間今拆造為配殿十間所有高大長濶  
尺寸已於圖內開明其第三層方丈原欲一併更  
改因寺僧堅以限於地基不願重建是以中止其  
餘一應羣屋務期盡行修飭完美所有應用物料  
臣親同各匠確估約需木石磚瓦各料及運費工  
食并裝修佛像佛座等項共該銀一萬二千九百

兩仰懇

皇上准令臣竭力修造以效犬馬今先將圖樣二副呈送

御覽聽候

聖主恩賜

俞允臣隨即買備各料擇日興工謹

奏

姑且開工緩緩修理爾於明年來京見朕再定程限萬

不可藉端向地方官生事滋擾亦不必勉強賠墊力少不敷即暫借司庫銀兩動用候朕另有諭旨若循故套假公濟私之捐修朕不樂聞倘稍有風聲爾不但無功反罹大咎也慎之

雍正四年六月初一日杭州織造臣孫文成謹

奏為奏

聞事杭州五月內糧米時價每石白米一兩一錢五分  
稔子米一兩麥子八錢稔子米禾苗有一尺三寸



高白米禾苗有九寸高今年絲價頭等細絲每兩七分稍粗者每兩六分五六釐謹

奏

絲價低昂朕向未了悉歷來最貴之價若干最賤之價若干其詳細開明奏來朕欲知之

雍正四年九月初一日杭州織造臣孫文成謹

奏為遵

旨覆奏事臣前奏糧米時價并絲價摺內奉到

皇上硃批臣伏查絲價從前互有高下自

皇上御極以來蠶絲連年俱好其價不甚騰貴如頭等  
細絲雍正元年每兩七分八釐有零二年七分二  
三釐三年七分四年亦七分稍次者雍正元年每  
兩七分二釐有零二年六分七八釐三年六分五  
六釐四年亦六分五六釐其粗糙不堪之絲臣衙  
門因無用處不行採買價比頭蠶好絲賤一二分  
因蠶桑年成與莊稼一樣看收成好歹定絲價貴

賤大槩歷來上貴者不出一錢之外最賤亦得五  
六分不等為此具摺覆

奏伏祈

睿鑒謹

奏

所奏絲價知道了將磬山寺碑樣呈進朕量其大小以  
便書寫

雍正五年正月初一日杭州織造臣孫文成謹

奏為奏

聞事杭州十二月內糧米時價白米每石一兩二錢五分  
稔子米每石一兩一錢五分麥子每石九錢四分  
謹

奏

米價等項總宜據實奏聞毋欲慰悅朕懷隨意增減

同日又

奏為奏明菩提樹結子事竊臣前蒙

皇上諭問菩提樹為何結子不多欽此臣查此樹係佛地佳種南方得以生植皆出

聖德滋培臣衙門內現有大小樹八株每年冬夏加意照管止有一株結子但開花結實之時無風則子堅固多收如遇風多之年便隨結隨落所以不能多結為此覆

奏伏乞

睿鑒謹

奏

所奏已悉此樹乃係

聖祖遺愛當加意培養毋令損傷

同日又

奏為叩謝

天恩事竊臣在杭州無一非

皇上恩德今又奉

旨將鹽規銀兩

特諭賞給准巡撫李衛行文與臣臣聞

命之下隨望

闕叩頭因思臣何人斯蒙

皇上如此矜憐實乃

天高地厚之恩臣惟有竭盡心力以圖犬馬之報為此

具摺叩謝

天恩謹

奏

受朕之恩切勿倚恃遂致膽大放縱舉凡爾織造所屬  
一切人役暨爾家人子姪輩槩須嚴加約束令其安分  
守法大家學好尤當崇尚節儉不得以聲色嬉戲為事  
如此則可永久保全體面矣爾試看一省之中督撫將  
軍地方文武官員假若仍踵故習爾亦循照舊日織造  
行為舉動可也否則必當擇善而行方好

雍正五年三月初一日杭州織造臣孫文成謹

奏為恭承



聖訓事二月二十四日臣家人捧到

硃批摺子伏讀之下不勝敬畏之至臣自前年冬叩見皇上時父子瞻仰

雲日俱蒙

天高地厚之恩至今感戴思念時時不忘今蒙

皇上特賜教誨如跪奉

聖主面諭臣父子敢不日夜儆惕竭力報效隨戒飭家人及衙役機匠等各各小心守分又將

聖諭宣揚俾令學好共享昇平之福至於米價貴賤臣

原是據實奏

聞菩提樹八株臣凜遵

旨意更當加意培養不敢玩忽所有奉到

硃批理合恭繳謹

奏

覽

浙省近日風俗人情如紳衿之好尚議論小民之豐嗇

情形及駐防旗人游嬉奢靡之風較前若何光景據實奏聞爾年已遲暮趁此歲月恪秉一誠既以效忠兼以造福顧不美歟朕不下詢爾自不應越奏今既問及當據實直陳無隱不可甘蹈欺君誑上之罪也

雍正五年四月初一日杭州織造臣孫文成謹  
奏為覆奏事閏三月二十七日臣家人捧到臣奏恭  
承

聖訓摺內奉有

皇上御批臣敬啓跪讀惶悚感激臣至庸至愚惟知赤心辦事以報

皇上眷注之恩雖日夜竭盡犬馬之力猶恐不足今蒙皇上垂問敢不小心謹慎據事直陳從前浙江人原多狡詐生事自奉

皇上累次教訓儆誠改悔自新

皇上又特用李衛為巡撫王國棟為觀風整俗使二臣時宣

聖諭多方勸導近來紳衿各思守分罔敢為非百姓亦知樸實皆務耕種貿易獄訟少息人情風俗比前大改至於旗人操演騎射輪派當差將軍鄂密達仰體

皇上愛養訓練之心嚴加巡察吳山西湖等處不放一人間走禁止喫酒賭錢不許衣服奢靡聞得旗人與百姓相爭巡撫即移文與將軍或百姓與旗人口角將軍亦移文巡撫兵民畏法頗思戢睦此皆

我

皇上德化深厚聲教普被所致也謹

奏

凡百奏聞若稍有不實恐爾領罪不起須知朕非生長  
深宮之主係四十年閱歷世情之雍親王也

硃批諭旨卷一百八十八